



Centralna banka
BOSNE I HERCEGOVINE
Централна банка
БОСНЕ И ХЕРЦЕГОВИНЕ



Informacija o rezultatima ankete o inflacijskim očekivanjima iz septembra 2024. godine



Dinamika kretanja cijena posljedično diktira ostala ekonomska kretanja u zemlji i inostranstvu. Stoga nimalo ne čude enormna interesovanja za ovu tematiku. O inflaciji se svakodnevno raspravlja, kako u javnoj sferi donosioca odluka, tako i privatnoj. Tako je proizašla i sugestija Evropske centralne banke i Evropske komisije za upoznavanjem sa očekivanom inflacijom u BiH, koja se prati na kvartalnom nivou. Anketom je obuhvaćen finansijski sektor, te banke i osiguravajuća društva dostavljaju rezultate anketiranja o očekivanoj inflaciji. Iako se anketiranje provodi na volonterskoj osnovi, postoji pozitivan odgovor za saradnjom od strane ovih finansijskih institucija. Time se omogućava izvještavanje o očekivanoj inflaciji u BiH, na osnovu kojih se mogu donositi poslovne i privatne odluke.

Rezultati ankete provedene u septembru 2024. godine odnose se na očekivanja vezana za tekuću (2024) i narednu (2025) godinu. Očekivana agregirana inflacija u septembarskom krugu ispitivanja za tekuću, ali i narednu godinu iznosi 3,70%. Rezultati ankete pokazuju da se očekivanja vezana za inflaciju svakim krugom smanjuju, te su implikativno niža od prošlogodišnjeg prosjeka.

Ekonomska kretanja u svijetu su još uvijek nestabilna usljed ratova, što i dalje može rezultovati negativnim promjenama očekivane inflacije. Da li se skorom okončanju agregirane inflacije možemo nadati, krajnje je diskutabilno pitanje zbog nestabilnih prilika na svjetskom tržištu uzrokovanih političkim netrpeljivostima. Stoga je potrebno konstantno praćenje inflacijskih kretanja, kako bi se spriječili negativni učinci očekivanog rasta cijena, a koji bi posljedično mogli dovesti do pada potrošnje u državi, koja je osnovna odrednica ekonomskog rasta u BiH.

